

*Sigle: D3*

*Aufbewahrungsort: Anhaltische Landesbibliothek Dessau*

*Signatur: Hs. Georg. 24.8° (4°)*

[103r,06]das lyden der koninginnen  
mari[a] hat <hi><.> <eyn> e[nde.]  
darnach hebit sich vil guter  
vragin das der werde lehrer  
anfhelmus hat gevrait  
der k[oninginen] marie vmb  
vnfer anw<y>f<un>ge will<en>  
vnd er vort befchr<e>bi<n>  
hat in der heyligin fchriefft  
vns geloubigin [zcu] eyner  
gotlichin lehren

[103v,01]Maria du hymmilkoninginne  
vorlye mir fulche fynne  
das ich betrachten vnd  
tychten müffe dyne not frauw  
fzueffe vnd dynis liebin kindis  
not dy er leit vor das funders  
tôt alfo das is ym vnd dir  
behage vnd vmb euch beidiu  
dang beyage nu mogit ir ho(=)  
ren vnd merckin das vns an  
ynnigkeit mag fterkin das  
anfhelmus mi[t] <ft>etigkeit  
Mit weynen vnd mit bitt<er>keit  
Mit vaften vnd mit groeffir  
andacht. vnfers herren lyden  
hat betracht Er bat marian  
dy reyne mait dy ym das ni(=)  
cht vorfait das fy ym tete  
kunt wy vnd zcu welchir ftunt  
[104r,01]Ire kint gemartirt were das  
tete ym forgen lere do irfchein

ym dy mait reyne Sy sprach  
anhelme nicht weyne So g  
groes ift gewest myne not  
vmb mynes lyben Kindes tot  
an mynem muterlichin herzen  
das is nymant ane yammir vnd  
ane fmerczin vul reden noch  
vul fagin kan doch bin ich  
allir forgin wan wennn ich  
mit lyebe vnd fehelen irha(=)  
bin byn doch wil ich dir wif(=)  
fin laeffin myne pyn vnd  
ouch des liebin Kindes myn  
nu mogit ir horen vnd mer(=)  
ken das vns an ynnigkeit mag  
fterken wy Anhelmus fraite  
togintlich vnd fy ym berichte  
[104v,01]egintlich dy fraite nu anhelmus  
dy werde mait sprach alfus  
Nu du mich vragift anhelmus  
So wil ich dich berichten alfus  
anhelme liebir knecht myn So  
hub sich an mynes Kindes pyn  
So sprach maria dy reyne do  
myn kint mit der gemeyne Sy(=)  
nir iungir ~~gemeyne~~ das abint(=)  
effin as Czuhant Iudas das  
nicht vorgäs Er ging zcu den  
iuden hyn vnd vorrýt en das  
kint myn vnd gab en vmb dry(=)  
effig pfenninge also ftunt ire ge(=)  
dinge do fraite anhelmus  
vnfe lybe frauwe alfus ma(=)  
ria lybe frauwe myn sage mir  
der pfenninge gefalt vnd fchin  
do sprach dy mait czart vmb

dy pfenninge yoseph vorkouft wart  
[105r,01]von fynen bruderen in egipten lant  
also quamen fy an der iuden  
hant vnd eynir was fo gut  
alfe czhen cleynen das sprecken  
dy lererr alle gemeyne das mach(=  
te iudas gytzigkeit das er on  
vorkouffte der iudifcheit vil  
weyning er das bedachte das  
er en von dem vngelouben brach(=  
te abir fraite anshelmus vnfe  
lybe frauwe alfus sage lybe  
frauwe myn wariftu ouch by dem  
kinde dyn neyn sprach maria  
dy reyne synen iungerr gemey  
Ire fueffe hatte getwan als ich  
dir nach fal fain darnach als  
er en hatte ggbin Syn blut  
vnd vleifch zcumm ebegin leben  
vnd en fynir lere gedachte do  
mit er fy von dem tode brachte  
[105v,01]do ging er von deme berge fyon  
Obir eyn vliez das heiffz cedron  
an den oelberg in eynen garten  
do wolde er der iuden warten  
da ging er von den iungeren fyn  
Czu fyne vaterr ftunt fyn fyn  
Er sprach herre vater myn  
dirhore mich durch dy barmher(=  
zigkeit dyn Is ift dir herre  
mogelich So obirhebe der m<sup>r</sup>(=  
tir mich doch fo gefche der wil(=  
le dyn heiligir vater vnd nicht  
myn an dem geifte byn ich be(=  
reit vnd habe doch forchte an  
der menscheit do irfchein em

eyn engil clär Er sprach ha(=)  
be keynen var vnd troefte dich  
felbir liebir herre wen dyne  
marter fwere Sal fyn der  
werlde troeft dy fal dovon  
[106r,01]werden irloeft do quam er zcu  
den iungerrn gegangen dy waren  
mit flaeffe vmbfangen Er spr<sup>a</sup>ch  
mogit er nicht eyne cleyne ftunt  
Mit mir gewachin ich <in>thu euch  
kunt das myn vorrether kummit  
gegangan vnd dy iuden mit ku(=)  
len vnd mit ftangen do sprach  
zcu den iuden Iudas der mynes  
kundes vorreter was Ich sage  
euch ir herrn sichirlich Ire czwey(=)  
ne fint dem anderen gliech Ihe(=)  
fus vnd iacobus Nu fullet ir  
merkin alfus welchin ich kueffe  
vor fynen munt den nehemit  
zcu der felbigin ftunt do iudas  
kein ihesu ging mit den armen  
er en vmbfing Er sprach bis  
gegrueffit meyster myn vnd küf(=)  
te en vor den munt fyn do ging  
myn kint ihesus kein den iuden  
[106v,01]vnde sprach alfus wennn fuchit  
ir wennn fuchit ir Ihesum von  
<na~~fa~~za> nafareth fuche wir Sp(=)  
rach dy vnreyne iudifcheit von  
dem worte wurden fy nedir ge(=)  
leit vnd vylen obir rucke das  
was ire ebigis vngelucke do  
dasfelbige zcwer geschach Myn  
lybes kint do zcü en sprach Sü(=)  
chit ir ihesum das byn ich

doch *fullet* er nicht *betruben* mich  
an *mynen iungeren* dÿ *laeffit* gan  
vnd *betrubit* irre *keynen* daran  
Iudas kufte *myn kint* vnd *vmb(=)*  
*fin*g mit en der iuden *vele*  
ging do *fprach* *myn kint* *ihefus*  
Czu *fyme vorreter* *alfus* O du  
vngetruwir *iudas* wy *machftu*  
*ainn* *herczin* *gehabin* das do *fin(=)*  
*gin* *fÿ* *myn kint* *liepp* vnd *fürten*  
[107r,01]das *also* *eynen* *dypp* do *ruckte* *petrus*  
*fyn* *fwert* *üs* vnd *flug* *abe* des  
*ore* *malchus* do *fprach* *finte*  
*anhelmus* Czu der *reynen* *mait*  
*alfus* *sage* mir *lybe* *frauwe*  
*myn* *Gefchagen* do *ouch* *icht*  
*czeychin* Ia *fprach* *zcu* der *ftunt*  
do *petrus* den *knecht* *vorwunt*  
*Myn kint* *fprach* *ftecke* das *fwert*  
in dy *fcheide* Ich *fage* dir by dem  
*eyde* *wolde* ich *bitten* nach *myner*  
*begeher* *myn vater* *fente* mir  
*her* *mehir* *wennn* *zcwelff* *vinfter(=)*  
*niffe* der *engil* *fyn* dy *mich*  
*loefen* von *diffir* *pyn* do *vlo(=)*  
*gin* *fÿne* *iungerre* *gemeyne* vnd  
*lieffin* *myn kint* *alleyne* vnder  
den *iuden* dy en *hatten* *gefangen*  
mit *kuelin* vnd mit *ftangen*  
mit *fwerten* vnd mit *fpieffin*  
[107v,01]vil *yemmirlich* *fÿ* en *ftieffin* Sy *rouf(=)*  
*ten* vnd *flugen* en *keyne* *barrm(=)*  
*herczigkeit* was vndir yn *anf(=)*  
*helmus* *fprach* *lybe* *frauwe*  
*myn* *warftu* *ouch* by dem *kin(=)*  
*de* *dyn* *wen* du *hattift* en *lypp*

von herczen vnd mochtift von  
em nicht gefyn ane fmerczin  
neyn fprach dy mait anf(=)  
helme dir fy gefait wy lieb  
mir myn kint was doch fo  
fugite mir nicht das das ich  
des nachtis zcu keynen ftunden  
vs mynen huefe were funden  
Ich was by myner fweftir gu(=)  
tir Iohannes myns neuen muter  
abir fraite anhelmus vn(=)  
fe lybe frauwe alfus Maria  
du reyne mait von wenn wart  
dir gefait das dyn kint ge(=)  
[108r,01]fangen were das machte dich  
vroudenlere Anhelme hore was  
ich dir fage das was eyne yemmer(=)  
liche clage do dy iuden myn kint  
hatten gefangin do quamen dy  
iungere gegangin Sy weynten  
vnd fprachen zcu mir Eya ly(=)  
be frauwe was fullen wir fagen  
dir vnfir meyster dyn lybe kint  
der ift gefangin in der nacht hint  
Iemmirlich gebundin vnd geflain  
des mueffe wir truerren vnd clain  
deffe yemmirliche gefchiecht ab  
er lebit das wiffen wir nicht  
anhelmus fprach fage lyb frau(=)  
we mir was betrubniffe hattift  
du an dir anhelme fprach dy  
iunncfrauwe czart Ich wufte das  
er dirloefin wolde menfchlich  
art doch nach muterlichir reyf(=)  
funge vnd mutirliche ordennunge  
[108v,01]Symonis fwert mich durch(=)

ftach vnd mir durch myn hercze  
brach abir fraite anhelmus  
vnfe lybe frauwe alfus sa(=)  
ge lybe frauwe myn wohin  
wart gefurt das kint dyn  
ÿs dem garten maria sprach  
durch den tael yofaphat  
durch dy pforte guldin ffur(=)  
ten fy en zcu der ftat yndur(=)  
ch dy gaffe der glieffner  
Czu annas der was cayphas  
fweher do fraite en annas vm(=)  
be fyne leerere vnd wer fyne  
iungere weren do sprach myn  
kint habe ich doch offinbar  
Gelart der iuden fchaer vnd  
an keynir ftat heymelich was  
vraiftu mich denne fundir(=)  
lich vrage den dy is haben ge(=)  
[109r,01]hort von mir beide hy vnd dort  
Eyn knecht hueb da uff fyne  
hant vnd flug myn kint an  
dy backen zcu hant wy ant(=)  
werdiftu dem richter alfus  
do sprach myn kint ihesus ha(=)  
be ich vnrecht geredt das  
geczuge Mit arge mich nicht  
beluge hab ich abir wol ge(=)  
fprochin was haftu denne an  
mir gerochin daftu mich haft  
geflain das wirftu hirnach  
fere clain Sy verbunden en  
fyne oughin mit eyne tüche  
En felbir zcu eynen ebigen vlu(=)  
che also eynen dybe der vor(=)  
orteilt ift des gabin fy en key(=)

ne vrift sy fpotten vnd vor(=)  
fpyetin vff fynen hals flugen  
fy en Sy fprachin du falt  
[109v,01]wieffagin wer ift der dich hat ge(=)  
flagin Iohannes was dem Byfchoff  
bekant Er fraite petrus by der  
hant den dirfach dy huesmait  
Sy fprach dir fy gefait du  
bift des menfchen iunger eyn  
petrus fwuer vnd fprach neyn  
Ich wil dir eyne eyt ftaben  
das ich den menfchen ny gefehen  
habe dy wort zcu drymal  
als ich dir recht fagen fal  
do kraite der han zcu der ftunt  
do wart petro kunt das en  
myn kint bermmlich anfach an  
ym da genade gefchach das  
petro durch fyn hercze brach  
das ym myn kint zcu fprach  
Ehir wennn der han kreit dry(=)  
ftunt So haftu myn gelochint  
mit dynem munt von dannen ging  
[110r,01]Petrus zcu hant Bittlichen wey(=)  
nen man en vant do fraite a(=)  
bir anhelmus vnfe lybe frau(=)  
we alfus maria du werde  
mait von wemm wart dir ge(=)  
fait dis gefichte yemirlich  
do fprach dy mait togintlich  
anhelme du falt merken das  
dich mag ftergken do dy iungirr  
zcu mir quamen alle vroude  
fy mir benomen do fy mir ge(=)  
faiten was gefchen was in den  
garten Czuhant ging ich mit



marien fnel In dy ftat by dem  
tempel do ich das gelodeme  
irhorte alle myne fynne fich  
ftorten do were ich gerne hin(=)  
yn gegangen do ich wufte  
myn kint gefangen do wolden  
mich dy iuden nicht laeffin  
[110v,01]des fint fy vorflucht uff allen  
ftraeffin do bleib ich vor der  
tören ftehen vnd begunde  
zcu weynen vnd vleen O wee  
myn lybis kint wy groes is  
dyne not hint du bist leidir  
obel gehandelt vnd nymant  
ift der mir das wandilt wer  
gibbit mynen oughen dy vul(=)  
le der czhere das ich nũ vnd  
ymmermere Beweyne myns  
kindis nõt allir troeft ift  
an mir ~~nũ~~ töt maria mag(=)  
dalena vmb das hues lieff  
durch dy fenfterr fy hinyn  
rieff sy fprach owee wo  
ift myn troeft der mich  
von funden hat irloefit  
Ich ftunt vnd ~~hatte~~ horte  
[111r,01]alle das Sy ym tetin vnd gefchach  
mit fpotte vnd mit halsvliug  
do petrus us dem huefe ging  
mit armen er mich vmmbfing  
Er fprach eya liebe frauw myn  
wy yemmirlich handelt man das  
kint dyn das is nymant vul  
achten mag sy gebin en man(=)  
chin herten flag anhelmus  
fprach liebe maria was ge(=)

fchach dyme kinde da sy fpr<sup>a</sup>ch  
was fal ich dir fagin wennn  
das vormante mir myne cla(=)  
ge das man en des morgin dis  
fuerte er ùs Czu Cayphe des  
byfchoffis hues do wart gròs  
myn vngemach wennn ich da  
erft myn kint gebundin fach  
do tat ich fam dy lavynne  
dy do vorlueft ire fynne wennn  
[111v,01]ire frucht gefangin wirt  
dovon fy allir vrouden entpirt  
do ich das gebenedite antletcz  
fach do entftunt mir groes vn(=)  
gemach Er was von fpechilen  
vngestalt Syn har vorftrau(=)  
wit manchfalt do fchrey ich  
weyninde vnd fprach wee mir  
wee groes vngemach Entfteit  
mir armen frauwin wennn fal  
ich abir fchauwin das ant(=)  
licz mit liblichin blicke das  
mich irfrauwit hat gar dic(=)  
ke do wolde ich habin myn  
kint vmbfangen wennn nach  
en was mir fo bange Sÿ ftief(=)  
fin mich hin vnd her das tat  
myme herczin fwer do wart  
eyne groeffe fampnunge al(=)  
fo zcu eynis dybes ortelunge  
[112r,01]anfhelmus fprach lybe frau(=)  
we myn hattiftu irneynen gelou(=)  
ben an dem herczin dyn addir  
hattift irneynen tröft das din  
kint wurde irloeft Ich hoffte  
fprach maria dy here Er wur(=)

de mit fynir lere vor dem rich(=  
ter entfagin wennn fy en wur(=  
den beclagin Ouch was er fo  
lieplich anzufehen Ich hofte  
em wurde genade gefchen dar(=  
nach obir eyne cleyne ftunt wart  
fyn antlicz fere wunt vnd von  
fpeychlen vnreyne Glied den  
üfzfetzigin gemeyne Sy ir(=  
dachten do manche logyne vff  
myn kint manche trogyne dar(=  
nach quamen irre zcweyne al(=  
fo vort vnd fprachin wir ha(=  
bin von ym gehort das er hab  
[112v,01]gefprochin Er wolde habin  
den tempil zcubrochin vnd  
an dem dritten tage widir(=  
buwin das wirt en im be(=  
ruwin dy anderrren fprachin  
er were eyn falch lerer vnd  
des volkis eyn bekerer dar(=  
nach fraite en cayphas der  
der iuden byfchoff was nu  
fage vns du ihesus ab du  
bift gotis fohen cristus do  
antworte myn kint ihesus dem  
byfchoffe alfus was ich euch  
fage das geloubit ir nicht  
ffrage ich euch fo gefchyt dy(=  
felbe gefchicht Nu fage ich  
euch vorwar Ir werdit fehen  
des menfchin fohen inpör In  
der lueft houch fwebin czu  
fynis vater hant gar ebin  
[113r,01]do das der priestir furfte gefach  
Er reys fyn gewant vnd fprach

was durffe wir geczugnis meh  
Gotis lefterunge horit er was  
dunckit euch nü fyn güt das  
ir mit deffin vorkererr tüt  
do fprachin dy iuden obiral  
Is ift recht das er fterbun fal  
alreift mich fyneonis fwert  
durchftach vnd mir durch  
myn hercze brach do fraite a(=)  
bir Anfhelmus vnfe lybe frau(=)  
we alfus nu fage mir lybe  
frauwe myn wo wart ge(=)  
furt dyn fohen hin maria  
dy vil reyne fprach czu  
pylato das gefchach an(=)  
helmus fprach nü fage mir  
hattiftu icht hoffenuge by dir  
[113v,01]do fprach maria dy reyne Ich  
houfte das wennn dy fchar ge(=)  
meyne Queme vor das ge(=)  
meyne das denne geringit  
wurde fyne fwer dy er von  
fuche machte gefunt vnd ge(=)  
fpÿfit hatte zcu manchir ftunt  
dy wurdin en dirloefin do  
fchreygin dy vnreyne bofin  
Man fal en an eyn crucze han  
vnd mit naylen daran flan  
Er hat gefprochin er fy go(=)  
tis fohen darvmb fal man  
em fyn recht thun vnd hat  
gefait man fulle dem keyfir  
nicht fchoes gebin darvmb  
fal er vorliefin das lebin do  
fraite abir der richter Myn  
kint wy is vmb fyn riech wer

do antworde myn kint ihesus  
[114r,01]dem richter vnd sprach alfus·  
Myn riech ift von diffir werlit  
nicht wer is von diffir werlit  
gefchicht So fritten vor mich  
myne dyner das ich durfte nicht  
lyden fwer darvmb ift myn  
riech nicht von hynnen do spr<sup>a</sup>ch  
pylatus us fynen fynnen  
so hore ich daftu eyn konning  
bift do sprach myn kint ihe(=)  
fus crift du sprichift das ich  
eyn konning byn nu wil ich dir  
fain mynen fyn Ich bin dar(=)  
vmb kommen in diffe yammirkeit  
das ich geczuegniffe gebe der  
warheit pylatus sprach ich  
gebe dirs uff dynen eyt das du  
faift dy warheit dy frage be(=)  
richte en myn kint nicht wenn  
hette er en bericht so were der  
[114v,01]menfche irloefit nicht von des  
ebigin thodis pflicht do quam  
iudas ~~gegangen~~ zcu den iuden  
gegangen Eyne boefe ruwe  
hotte er entfangin Er sprach  
ich habe obile getan Ich haben  
vorraten gotis fohen Er spr<sup>a</sup>ch  
nemit euwer pfenninge widdir  
vor ere fueffe warff er fy nider  
Er ging vnd hing sich zcuhand  
das wart er von dem tubil ge(=)  
fchant pylatus do hinus  
ging Mit gutir rede dy iuden  
anfang Er sprach ich vinde  
an ym nicht fachen do mit

er en mogit vngerecht machen  
do hatten dy iuden groeffin  
schal sy schreigen gemeynlich  
al Er fal von vns sterben tot  
wen er das volk hat brächt  
[115r,01]in not vnd hat das bekart vnd  
vnrecht gelart von galylea  
bis zcu iherufalem pylate das  
faltu vorfthen do pylatus  
das hatte vornomen das myn  
kint von galylea was kommen  
Er fante en gebundin zcu he(=)  
rodes der zcu iherufalem was  
vnderdes do herodes myn kint  
irfach Er wart vro vnd spr<sup>a</sup>ch  
Er sprach biftu is ihesus  
crift den myn vater mit gro(=)  
effir lyft suchte vnd wolde  
getotit han Oddir biftu is  
der vormerte man der dy  
blinden irlucht hat vnd la(=)  
farum irwackte an todis ftat  
vnd machte manchin gefunt  
Ich geloube dir das zcu differ  
ftunnt Thu eyn czeichen vor den oughen  
[115v,01]myn so loefe ich dich von der  
iuden pyn do antwerte myn  
fohen dem konninge nicht do ver(=)  
fmehte er en an der geficht  
Er tat ym zcu fpotte an eyn  
wys cleit vnd fante en wider  
in pylatus geleit do wart  
frunt pylatus vnd herodes  
also quam myn fohen vor dÿ rich(=)  
ters pylatus zcu den iuden  
sprach warvmb fūchit ir

des mannes vngemach Ich  
hatte en zcu herodes gefant  
der ouch keyne bosheit an en  
vant Ouch vinde ich an en  
keyne fachin do mitte ich en  
moge schuldig machin Nu  
pfleigit ir zcu der ostirlichen  
zciet Eynen der gefangen lýt  
[116r,01]das ir eynen laeffit lebin wol(=)  
lit er ich wil euch ihesum geben  
Sy sprachin cruczige denfel(=)  
bigin man vnd laes vns leben  
barraban Er sprach ihesus  
ift eyn gerecht man vnde  
hat keyn arg getan Ich wil  
en czüchtigin an der stad ab  
er icht begangin hat vnd  
wil en laeffin lebin wollit  
er euwirrn willin darczu ge(=)  
bin do fante pylatus wyb  
zcu ym sy sprach herre mich  
vornym Richte nicht obir  
den gerechtin man wen ich  
hyntvmb en vil geleden han  
do wolde sich pylatus my(=)  
me kinde frunden ab er moch(=)  
te addir konde vnd wolde en  
gerne loefin von den snoden  
[116v,01]boefin vmb eyne fuele fy en  
do bunden syne arme nicht  
gereichin konden do namen  
fy rýme vnd ftricke vnd czo(=)  
gin vmb fuele dicke da ftunt  
er nackt vnd bloes sy flu(=)  
gen en das das blüt vloes  
Mit pytczin vnd behefim

flugen fy den czarten das  
ym von der ferffin bis an des  
houbtis fwarten nicht gan(=)  
czis an fynem lybe was Is  
was von röten blute nas  
nach denfelbin ftunden  
ffueffe vnd hende fy ym  
uffbunden sy namen eyne  
dornencrone vnd druckten  
fy in fyn houbt fchone vnd  
druckten fy ym yn zcuhand  
sy taten en an purpuerrn  
[117r,01]gewant In iren fpotte betten fy  
en an sy hildin en alfe eynen  
vnrechten man darnach furte  
en pylatus ervor czu den iu(=)  
den vor dy toer sehet diffin  
menfchin ich geczuchtigit han  
da fullet er euch an genugen  
lan sy rieffin abir den richter  
an vnd hyeffin cruczigin den  
man do sprach pylatus der  
richter nempt en hin vnde  
cruczigit en nach euwir lerrn  
do sprachin dy iuden obiral  
czu pylato mit groeffin fchäl  
nach vnfir ehe fal er fterben  
vnd an eyne cruczen verterben  
wen er sprichit er fy gotis  
fohen dovon mues er nemen  
fyn lon pylatus ere rede horte  
[117v,01]Wenn er sich fere vorchte vnd  
sprach mynem kinde zcu von  
wannen oddir wer biftu Myn  
kint fweig zcu der gefchicht  
[pyl]atus sprach antwerdiftu



mir nicht weiftu nicht das  
ich dy gewalt han dich zcu  
toten vnd lebende lan Myn  
kint sprach du hettift keyne ge(=)  
walt obir mich were fy dir ge(=)  
gebin nicht defte mehirs begeit  
der miffetat der mich der ge(=)  
antwort hat do fuchte pyla(=)  
tus örfachin wy er myn kint  
konde ledig machin do fchrey(=)  
gin dy iuden obiral pylate  
vornym vnferm fchal leftu le(=)  
bin deffin vngerechten man so  
wirftu den keyfer zcu fynde han  
[118r,01]wenn wer fich zcum konninge ma(=)  
cht dem keyfere er widdirfacht  
do pylatus horte der iuden her(=)  
tigkeit vnd er nicht kein en(=)  
fchueff mit fenfftigkeit Er  
mußte den iuden behayn waffir  
hies er fich vortrayn Er tw(=)  
ug fyne hende vnd sprach  
Ich byn vnſchuldig euch ent(=)  
ftehit vngemach von des vn(=)  
ſchuldigin mannis blut Ich wil  
reyne machin mynen mut do  
rieffin dy iuden al mit eyne  
groeffin fchal syn blut ghe  
obir vns vnd vnſir kint dy  
noch vngebörn fint sy ſpr<sup>a</sup>chen  
was fynntu an diffin tage  
das du nicht horift vnſir clage  
[118v,01]vnd nicht irhorift obir diffin  
man den faltu an eyn crucze flan  
pylatus do irre bete tehit vnd  
dirfulte ire gebeth Er lies en

loes barraban Myn kint an eyn  
crucze flan anhelmus zcu ma(=)  
rian sprach Sage liebe maria  
was darnach gefchach Ma(=)  
ria sprach do ich fulch leit fa(=)  
ch symonis fwert abir mich  
durchftach do namen fy das  
kint myn Sy leiten eyn crucze  
uff den nacken fyn das was  
groes vnd funffczhen fueffe  
lang Myn lybis kint was  
fo krang das crucze konde er  
nicht getragin wennn er was  
gar fere geflagin das er fere  
gekrenckt wart do fundin  
fy an derfelbin ftat Eynen man  
[119r,01]der was fymon genant den be(=)  
twungin fy zcuhand das er ym  
halff das crucze train Nu ful(=)  
lit er mir alle helffin clain Myn  
leit das ich zcu myme kinde fach  
anhelmucz zcu marien sprach  
sage lybe frauwe myn vol(=)  
gite ymant dem kinde dyn ma(=)  
ria sprach do was kommen dar  
von frauwin kinderrn eyne gro(=)  
effe fchar dy vrauwin bewey(=)  
niten fyne nôt dy kindere dy  
wurffin en mit quoet Myn  
kint fich zcu den frauwin kar(=)  
te Er sprach beweynit nicht  
myne pyne harte sunder wey(=)  
nit uff euch vnd euwir kint dy  
mit fehenden oughen werdin  
blint wennn is kummit noch der  
tag das man wol fprechen mag

[119v,01] Selig fint dy vnfruchtbarren dy

vrauwin dy ny kint gebarrn *wen*

fy werden fprechin zcu den ber(=)

gen ach weldit ir vns nu vor(=)

delgen darvmb fy thun deffe

fchicht darvmb befchauwin fy

myner heiligin nicht do furten

man myn kint an der marterstat

vnd zcweyne mit en vmb ere

miffetat dy muften mit ym

do lyden do begunte abir fy(=)

monis fwert zcu fnyden anl(=)

helmus fprach liebe maria was

gefchach dyme kinde darnach

Sy fprach das ift yemmirlich

vnd zcu horen gar cleigentlich

do fy myn kint brachten an dy

stat Sy czogin ym us al fyn

wat do dackte ich fynen lichnam

behende Ich claite vnd want my

[120r,01] vmb das lybe kint myn vnd vmb

dy groeffe fmaheit fyn do leiten

fy das crucze uff dy erde daruff

leiten fy myn kint werde Eyne

hant fmitten fy ym an des cru(=)

czis aft Mit eynes ftumpfen nay(=)

lis laeft der was fo dicke vnd

groes das is blut nicht us der

wunden vloes darnach namen

fy dy ander hant vnd wolden

fy fmedin an des cruczis bant

sy hatten das loch zcu ferre ge(=)

bort das dy hant nicht konde

langen vort Mit feylen deenten

fy ym den arm fafte Bis zcu

des lochis afte so taten fy ouch

den fueffin fyn do vornuete  
fich myne pyn also wart fyn  
werdir lyppe geftrackt vnd al  
[120v,01]fyne aderrn gerackt das man hat(=)  
te fyn gebeyne geczalt vnd fy(=)  
ne aderrn manichfalt konning da(=)  
uidis prophetie irfullit wart  
an mir vnd myne kinde czart  
hore tochtir vnd fich Irbarne  
dich hute obir mich des hammirs  
clang nym in das hercze dyn  
Sich wy fy mir hende vnd fuef(=)  
fe habin Mit ftumpfin naylen  
durchgraben hore vnd fich  
wil nymant irbarmen Obir mich  
weyne dir vil arme von fulchen  
worten das fwert der fmerczin  
durchftach mir yemmirlich myn  
hercze do richten fy en uff mit  
erbeit alreift vornüete fich  
myn leit So houch wart er ge(=)  
hangen das ich nich<t> kunde fy(=)  
ne fueffe gelangen do er do  
[121r,01]uffgericht wart von fwere  
fynis lichenams czart Offniten  
fich fyne wunden vnd usgoffen  
do qua us henden vnd fueffin  
das bluete gevloffin do nam ich  
das gewete das vmb mich hing  
Syn thûris blût ich daryn fing  
dovon fo wart ich fere nas  
vnd allis betüpniffe vul was  
do fraite finte anhelmus vn(=)  
fe lybe vrauwe alfus Mari(=)  
a lybe frauwe myn was gef(=)  
chach da dem kinde dyn Ma(=)

ria sprach das ich nu fage  
davon vornuit sich myne  
clage do fy myn kint hatten an  
das crucze gehangin do qua(=)  
men des richters dynir gegan(=)  
gin vnd weftin vmb myns Kindes  
[121v,01]gewant vnd teilten das zcu(=)  
hant sy gingen vor das  
crucze fyn sy fpotten vnd  
anfchreigin yn sy sprachē  
andir leute macht er gefunt  
sich felbir er nicht kan hel(=)  
ffin zcu diffir ftunt do quamen  
dy prifter der iuden gegan(=)  
gin dy hatten on mit Worten  
gefangin sy hatten en hort  
fprechin Er welde den tempil  
zubrechin vnd in dren ta(=)  
gin widdirmachen Mit  
gotlichin fachin Bis du go(=)  
tis fohen fo ftig von dem  
cruczen her so wollin wir ir(=)  
fullen dyn beger Getruwit  
er gote fo irloefe er yn wen  
er fpricht gotis fohen ich  
[122r,01]byn anhelmus sprach liebe  
maria was sprach dyn lyebis  
kint da Maria sprach zcu der  
ftunt do fy ym dy martir taten  
kunt Er sprach vater vorgib  
en diffē miffetat dy dis volk  
an mir begangen hat do ftunt  
das volk gemeyne vnd fspot(=)  
ten myns Kindes reyne do moch(=)  
te wol myn kint fprechin wid(=)  
dir mich Tochtir vnd muter

hore vnd sich das sich nymant  
irbarmit obir myne smercze  
dy du treift in dyme herczin  
von dem heiligin geifte du  
mich entfangen haft vnd ge(=  
barift mich ane funden laeft  
czertlich byn ich von dir ir(=  
czogin Nu ift allir troeft von  
mir gevlogin wen dy nicht  
[122v,01]glouben an mich Obir mich  
doch irbarme dich symonis  
fwert abir durch myn hercze  
ftach Myne feele leet groes  
vngemach czweyne fchecher  
waren do gefangin dy wur(=  
den by myn kint gehangin  
der zcu der lincken fyten hing  
der vorfpotte ouch myn libes  
kint vnd zcu dem fprach Bif(=  
tu is criftus fo benym mir  
myn vngemach der ander zcu  
der rechten hant Straeffte  
den zcuhand Er fprach du  
envurchtift nicht got der  
ny kein boefis getan hat wen  
wir von rechtin fchuldin  
deffin tot mueffin duldin  
Er fprach herre gedencke  
an mich wen du kummft in  
dynis vater riech do fprach  
[123r,01]myn lybes kindelin hute faltu  
mit mir in dem paradife fyn  
abir fraite anhelmus vnfe  
lybe vrauwe alfus liebe mari(=  
a thu mir kunt was tatiftu zcu  
derfelbin ftunt Maria dy reyne

fprach Ich ftunt vnder dem cruczen  
vul vngemach Betrupniffe  
vnd fmerczin hatte ich vil an  
myme herczin Ich konde mẏ  
kinde nicht troeft gegeben das  
er were blebin by dem lebin  
By mir ftunden dy fwefterr  
myn Maria magdalena was  
ouch vul pyn do fach myn lie(=)  
bis kint mich an vnd mynen ly(=)  
bin frunt Iohan Er fprach zcu  
mir Iohannes fal dyn fohnn fyn  
czu Iohannes fprach er fich dy  
mutir dyn Nu merkit alle dy  
hy fint Eyn yemmirlich orloep  
[123v,01]gap mir myn kint von fexten bis  
zcur nōnen gefchach vff ertrich  
groes vngemach das eyn groes  
vinfterniffe wart von dem lyden  
myns Kindes czart vmb none(=)  
zciet das gefchach das myn  
kint ſchrey vnd fprach hely  
hely lamazabathani das ift  
zcu dhucze gefprochin Myn  
got wy haftu mich vorlaeffen  
do fprachen etliche dy das ge(=)  
horten vnd zcu gote hatten wey(=)  
ning ~~w~~ vorchten Er rueffit  
helyam das er ym rāt gebe  
das er bliebe by dem lebin  
sehe wir das helyas icht kom(=)  
me vnd ym zcu dem leben from(=)  
me do alle ding ware vul(=)  
faren dy von myme kinde ge(=)  
ſchrebin waren Er fprach  
mich dorftit nach des menſchen

[124r,01] feligkeit vmb en lyde ich groeffe  
yammirkeit do welden fy en trenc(=)  
ken Effig vnd galle wolden fy  
en fchengken do myn kint gefmag(=)  
te den trang Er wart in den  
töt krang Er fprach is ift nü  
vulbracht was von mir ift ge(=)  
dacht Er fprach liebir vater myn  
In dynen henden beuele ich den  
geift myn Syn houbt er ney(=)  
gite Groeffe liebe er vns czei(=)  
gite dy er alle zciet zcu vns  
hat des fullen wir ym danc(=)  
ken an allir ftät der vorhang  
der iuden tempil hing der  
reys entzwey dy erde yammir  
entfing vffpildin fich dy  
fteyne dy greberr taten fich  
uff gemeyne vil heiligir lich(=)  
nam waren urftanden von des  
[124v,01] todis banden Sy quamen in dÿ  
ftat gegang vnd irfchenen man(=)  
chin man centurio vnd dy  
by em warn dy zcu hutere war=  
ren gekorrn do dy fagin dy  
erde bebin vor groeffin wur(=)  
chten fy nicht blebin centu(=)  
rio fprach do er diffiu czeichen  
fach werlich das ift gotis  
fohen gewefin von dem dy  
iuden haben gelehefin vnd  
gelouben doch an ym nicht  
das wirt eyne wundirliche ge(=)  
fchicht vil volks was dar  
kommen dy in iren herczin groes  
leyt nommen do waren by my



kindin vnd vil vrauwen dy  
ire hende wundin sy fagen das  
mit den oughen ir vnd hulffen  
alle weynen mir do fraite  
abir anhelmus vnfe lyebe  
[125r,01]frauwe alfus liebe maria ich vra(=)  
ge dich von herczin hatten ouch  
ende dynis kindes fmerczin Neyn  
sprach dy iunncfraw czart syme(=)  
onis prophecie noch irfult wart  
der sprach von dynis kindes fmer(=)  
czin wirt durchgehen das fwert  
dyn hercze anhelme hore mich  
das ich dir sage das ift cleige(=)  
lich dy iuden zcu pylato gingen  
Mit guter rede fy en vmbfingen  
Sy sprachin hutten ift vnfer vyer(=)  
tag das keyn tot lichenam obir  
der erden blyben mag des rich(=)  
ters knechte fich rachen den  
fchechern fy ire beyn zcubrachen  
do fy myn kint vunden tot von  
fynir angift vnd not do ftach  
eyn iude durch fyne fyte Eyne  
groeffe wunde tyeff vnd wyte  
[125v,01]das do blut us fynir fyten vloes  
darnach das waffir usgoes  
do ich das yamir fach das an  
myme toden kinde gefchach al(=)  
reift nũ darnach Symeonis  
fwert mich durchftach do ich  
do zcu mir felbift quam Groes  
weynen ich an mir nam Ich clait  
myn leit vnd vngemach czu  
myme kinde ich do sprach wee  
mir wee myn liebirt troeft von

weme werde ich dirloeft Ich  
habe dich czertlich irczogin  
Nu ift aller troeft von mir  
gevlogin lliebiu leute laeffit  
euch myn irbarmen vnd tötit  
ouch mich vil arme was fal  
mir das betrubite leben Ich hab  
nymandis der mich troeft kan  
geben Ich wil gerne mit myme  
[126r,01]Kinde fterbin vnd nummer nach vrö(=)  
den werbin **anfhelmus** abir **fpr<sup>a</sup>ch**  
**Sage** lybe maria was nu ge(=)  
**fchach** Sy fprach eyn man was  
yofeph genant der ging zcu  
dem richtere zcuhand Er bat  
das er *Jesum* fulde nemen abe vnd  
den beftaten zcu grabe Er **fpr<sup>a</sup>ch**  
gibbiftu mir nicht den toden  
lyb so vorlyfe wir das allir(=)  
fchönfte wypp das dyne ou(=)  
ghen y gefagin das fage ich  
gar vmbetragin sy trybet  
fulch *yammir* vnd *fmercze* das  
wir mit ir lyden *fmercze* do  
fraitte pylatus ab er *wer* tot  
do wart er gefait von allir  
not vnd *czeichin* dy do *waren*  
gefchen do hys er ym den *lichnam*  
geben do yofeph myn kint von  
[126v,01]dem *cruczen* nam alfo dem *guten*  
wol geczham Ich keyn *mymm*  
kinde vfwart *fach* Eynen *nayl*  
er ufzbrach Mit weynenden ou(=)  
gen dy hant ich kufte do von  
mir ~~wur~~ wurden cleyne lufte  
do er den *lichnam* erhabe nam

Er leite en drý *schriften* von  
des *crucis* *stain* syn houbt  
nam ich in *mynen* *schoes* do  
hub sich *myn* *vngemach* *groes*  
do ich *myn* kint fo *leigen* *fach*  
Ich weynite *claite* *vnd* *sprach*  
wee mir wee *myn* *lybes* kint  
wy gar *vorblichin* *dyne* *wan*(=)  
*gen* *fint* O kint *myn* *konde* ich  
*dir* *werbin* das ich *folde* mit  
*dir* *sterbin* O *lybis* kint *vnd*  
*herre* *myn* wy gar *dyne* *ge*(=)  
*ledere* *vorruckt* *fin* *vnd* wy  
[127r,01]*gar* *fere* *biftu* *vorwunt* an *dir* *ift*  
*nichtis* *nicht* *gefunt* *dyne* *hende*  
*fint* *dir* *durchflayn* das *mûs*  
ich nu *vnd* *vmber* *clayn* *dy* *wun*(=)  
*de* in *dynir* *fyte* *Ift* *dir* *tyeff* *vnd*  
*wÿte* *dyne* *fueffe* *fint* *dir* *fere*  
*wunt* das *mûs* ich *beweynen*  
*zcu* *allir* *stunt* an *dyme* *lybe* *nicht*  
*ganczis* *ift* das *gibbit* *myme*  
*lybe* *keynen* *frist* *durch* *got* *man*  
*vnd* *wyp* *gemeyne* *helffit* *mir*  
*clayn* *vnd* *weynen* *Myne* *yemmer*(=)  
*liche* *nôt* *vnd* *mynes* *lybin* *kin*(=)  
*des* *tot* *do* *quam* *myn* *neue* *iohan*(=)  
*nes* *gegangin* *Mit* *clagen* *was*  
*er* *vmfangin* *Er* *leyte* *sich* *uff*  
*mynis* *kindes* *brueft* *Er* *sprach*  
*von* *dir* *hatte* *ich* *manche* *lueft*  
*vnd* *troeftn* *entfangen* *das* *ift* *mir*  
[127v,01]*nu* *allis* *vorgangen* *Nu* *bin* *ich*  
*allis* *troeftis* *an* *do* *quam* *petrus*  
*gegan* *Er* *sprach* *was* *fal* *ich*  
*betrubiter* *man* *Nu* *ich* *mynen*

liebin meifter verloren han  
was ful mir durftigen myn  
lebin wer fal mir myne funde  
vorgebin sint ich en verloren  
han des ich *nymmermeir* vor(=)  
winnen kan do *quam maria mag*(=)  
dalene dy *weynten* meir *wen*  
andir *zcweyne* sy sprach *wee*  
das ich y *geborn* wart Ich ha(=)  
be *vorlorrn* mynen *herren* *czart*  
Ich *funderinne* ich were vor(=)  
lorr were er mir *zcu* troefte  
nicht *geborn* wer fal mich  
entfchuldigin kein dem *glyf*(=)  
*fenner* wer fal mich entfchul(=)  
[128r,01]digin *keyn* mynen *fwefterrn* *cze*(=)  
cher obir der iuden *fchar* dy ha(=)  
bin mich *betrubit* gar Ouch  
*quamen* andir *iungir* dar dy ou(=)  
ch *clayten* offfinbar das fy het(=)  
ten iren *herren* *vorlorrn* *vnd* hat(=)  
ten alle vroude *vorkorrn* *vnd* tet  
*myn* lybes kint *czart* nach fy(=)  
nir *gotlichin* art der alle *czyt*  
dy *fynen* troeft *vnd* von allen  
*betrupniffe* loeft Er lys *clar*  
*irfchinen* *fynen* *lichenam* also fy(=)  
nir *gotheit* wol *geczham* das  
*keyn* mal noch wunde an ym  
*irfcheyn* *wen* dy *vumff* *wun*(=)  
den alleyn dy er *haben* wil an  
dem *iungiftin* tage dem *funder*  
*zcu* *eyner* *groeffin* clage *dovon*  
wir alle wurden *getroeft* *vnd*  
von *etlichin* leide *erloeft* do  
[128v,01]fy *myn* kint wolden *habin* *vnd*

wolden den begrabin Ich gre(=  
iff fynen lichnam an vnd wol(=  
de en nicht begrabin lan czu  
finte Iohanfe ich sprach war(=  
vmb vornueftu mir myn vn(=  
gemach las mir myn kint fo  
tot das ift mir armen frauwen  
not Mag ich en lebinde nicht  
gehan So laeffit mich doch  
by ym bis das er wirt irftan  
addir wiltu dynen willin ha(=  
bin So las mich mit ym be(=  
grabin do sprach myn neue  
Iohannes lybe frauwe gunne  
mir des das ich en leige in eyn  
grab darvmb en yofep von  
dem cruczen nam ab<er> du weift  
was dy propheten gefprochen  
han das das nymant widderrn  
[129r,01]kan das wirt uulbracht an ym  
darvmb faltu geduldig fyn  
vnd las en vns begrabin wen  
er wil des nicht anders haben  
do fy hatten myn kint in das grab  
geleit do was ich zcu fterbin  
bereit ich leyte mich uff das  
grab vnd sprach alreift vor(=  
nuet fich myn vngemach vff  
deffin grabe wil ich fterbin  
vnd nach keynen vrouden werbin  
By myme kinde wil ich bliben  
von hynnen fal mich nymant  
trybin Iohannes wolde mich  
faren in dy ftat Myt weynen(=  
den ougen ich en bat ich spr<sup>a</sup>ch  
Iohannes lyebe frund myn Thu

nicht an mir dy groeffe pyn  
vnd las mich gnade an dir  
irfinden das du mich nicht scheidist  
[129v,01]von myme kinde do sprach myn  
frunt Iohannes liebe frauwe  
ich gestate dir nicht des wen  
is den frauwen nicht wolftat  
das fy des nachtis blyben vor  
dy ftat Mit mir faltu zcu my(=  
ner muter gan vnfir herre  
wirt amm dritten tage uff(=  
irftan so werde wir en vro(=  
lich fehen das hat er offte ge(=  
sprach do muete ich geen  
mit ym In dy ftat iherufalem  
do wir in dy ftat quomen vil  
leute yammir an sich namen  
vnd betrubiten sich zcuhand do  
fy sagen myn blutig gewant  
sy sprachin wee welche ge(=  
walt Ist an diffin wybe ge(=  
ftalt vnd an irem kinde czart  
wee ym das er y geborrn wart  
[130r,01]der en darczu bracht hat des  
wirt fynir fehelen nymmir rat  
wer nu ist an diffir schär vnd  
hat gehort offinbar vnfers  
herren martir mit ynnigkeit vnd  
ruwe vmb fyne funde treit  
weme er vint mit fynir muter  
weynen Mit dem wil er sich  
voreynen vnd wil dem fyne  
funde vorgebin vnd furen zcu  
dem ebegin lebin Nu bitten wir  
alle den werdin got der vor  
vns leit den bitterrn tot das wer

fyne martir fo gedencken muessen  
das wir al vnser funde buessen  
das vns fyne bitterrn marter hart  
Czu hulffe kommen an vnser letczten  
hynnefart das vns dy engele  
vrölich ffuren in das hymmilriech  
das das an vns gefche alre(=  
meift das helffe vns *der vater*  
[130v,01]der fohen vnd der heilige geift  
amen